

QUÆSTIO MEDICA,

QUOD LIBETARIIS DISPUTATIONIBUS
manè discutienda, in Scholis Medicorum, die Jovis
decimâ-octavâ Februarii.



M. DOMINICO DE FARCY, Doctore
Medico, Præside.

An Asthmâ humido Nicotiana?

I.

U T perfectum quodque mixtum perspirationis, ita mixtum omne vitæ particeps respirationis beneficio carere *adverat*. Illius in illis auctor, certa subtilis materiæ quantitas; quâ intra ipsius pauciores pluresve meatus, angustiores, aut laxiores, per accessionem aëris diversimodè agitatâ producit ejusdem ævum aut corripitur. Hujus in istis efficax instrumentum, aër, cujus energie spirabilem partium passivarum in stirpibus, harumque simul & activarum in plerisque sensu præditis accommodata structura famulatur. aër nimirum, à nitosis quibus verosimillimè gravidus est particulis intima quæque pervadere habens peculiari quo donatur crassitiem inter ac tenuitatem consistentia modo premere nonnulla, tandem ab insitâ sibi elasticâ virtute singulari plurimum resilire. ubi plantarum trachæas, piscium branchias, quadrupedum, volucrum, hominisque pulmones subit, musculorum diaphragmatis thoracisque motum secutos; parietes cellularum, in quibus hospitabatur aër ante ingressus, eodem vapescente vultu incipiente subsidentes, extendit, implet, finitima vasa non modò, verum & distitissimas quæque propagines fortissimè comprimit, ducto à branchiis & pulmonibus opifici istius exordio. contentus igitur ductuum omnium ac singulorum capacitate succus alibilis crebro, aëris ei subinde se commiscantis ictu minutè divisus, tenuissimè pinxit ritèque subactus fluidam *osca* assequitur; incolumen tandiu permansuram quamdiu resiliences particulas aliquot ipsi largietur aër, quarum tremulâ pariter atque reciprocâ motione sanguis continuo sollicitatus elutriabitur. Quæris quid elasticam aëris virtutem sartam servet? corporum vasis incumbens pondus, inæqualitas, figura? momenta sane sunt isthæc sed infirmiora multò. Potentia movens spiritus est, unâ cum nervo latice diffusus, à cerebro spinalique medullâ impetu mere naturali, per nervos in pulmonum bronchia se se spargentes, indeque ad nervos diaphragmatis musculosque thoracis ocyssimè raptus. Inferas ea propter oportere ut machinatio respirationis, à spiritu pendens & aëre, vitium aliquod semper faciat, ruinamve omnem; quoties, ille à quo primus instinctus est, hic, ad quem instinctus executio pertinet, suo vicissim officio defuturi sunt, reliquo spirabilem organorum apparatus feriaturo deinceps aut dissolvendo.

II.

A STMATIS igitur expressam percepturus est idæam, quisquis cogitare voluerit negato aëri ad pulmones aditu, impedirà ejusdem per pulmones

2

reciprocatione animam, interdum cum stertore, duci difficulter, & sine febris. Sic ubi spiritus animalis è cerebro, per octavi paris, è spinali medullâ per dorsum lumborumque nervos ad motrices fibras spirabilium ordinis utriusque organorum derivandus ipso in fonte sistitur, quod apoplecticis; intercipitur viarum tractu, quod hysterici; tetri laticis appulsu insicitur, quod scorbuticis accidit; oriatur universus villorum ejusmodi nervorumque apparatus, quem nullus, imbecilliusve cietur, quem iners *σπυγερὸς* urgebit; adeoque vel aditus omnis præcludetur ad pulmonis bronchia, vel qui liberam ad respirationem haud satis erit, concedetur exiguus. Sic ubi crassus est nimum udusque aër, jacturam virtutis quâ donatur elasticæ non medioerem passus, cruori juxta circuitus æquabilis leges agendo strenuè instare nequit; ubi levis ac iusto tenuior & sanguinem impellit in præceps, & everrendas è pulmone fuligines inefficacissimè purgat; ubi demum aurâ maligniorè conspurcatur, salium quibus imbutus est, acrium solventiumque, vel acidorum coagulantiumque malitiâ cruoris molem perniciosius affligit, exundaturis inde sero pulmonibus, aut importunâ stagnantis cruoris sarcinâ gravandis. Humidi jam sicciqve, quod aiunt, Asthmatis ætiologiam instituturus quisque colligat, humidum quidem oriundum esse à cessuro in pulmonis ipsius alimoniam humore vitato, quem mucus iners acidumve nequam iniquiori permixtione compegerint, unde fortassis crudum tuber, à cruore intra pulmonis vasa commeaturo, illicque facto reside, quoniam eodem affluxit uberius, ibidemve fermentescit impensius, unde pulmonis abscessus, ejusdem vomica, pseudopolypus, à sero è vicinis majoribusque vasis *ἀδένες* in pulmones, irruenti, unde pectoris hydrops. Siccum autem Asthma oriri putet à pravâ conformatione pulmonum congenita vel postgenita: cujus ergo minus liberum redditur præter illos alibilis succi commercium, atque adeo pars proprio frustrata penu corrugataque contabescit in dies; à convulsione nervorum musculorumque suam respirationi navantium operam, imò & à semicircularium quæ per pulmones innumera diffunduntur fibrarum contractione, alternum vesicularum ejus, hiaturarum & premendarum opus inturbaturâ. Cæteras Asthmatis differentias inquirenti obvium fiet assiduum illud esse, cujus causa constans, proprium scilicet partis vitium, humor eidem altius & dudum impactus, periodicum, cujus materia quasi sepulta reviviscit, aliunde nimirum in partem advecta, congesta per vices, status. Illa si fermentescendo profiliens è vasis, nervea quedam è spirabilibus organis suo pupugerit aculeo Asthmatis convulsivi parens habetur.

I I I.

DISTINCTIO causarum Asthmatis perobscura sanè; prognosis admodum anceps, curatio spei raro alicujus. Ut qui agrotantem à crebris, vehementibus aut diuturnis accessionibus incolumem præstat, is & affectionis Asthmaticæ sospitalis ut plurimum habeatur, cujus causam fortè non oppugnaverit, nedum expugnaverit ille, utpote vel minus cognitam sibi, vel arte nullâ superabilem. Ita dum urgente strangulationis metu, sanguine confestim minuitur Ager, periculum quidem prudentissimè cavetur. at nocendi materia subtrahitur non semper. Quisquis *τηχικῆ σοχασμῶ* discriminatam hanc, judicatamque curationi opportunam venæ sectione, vomitum cientibus catharticisve disjicit, vel attenuantium incidentiumque benigniorum ope dispecscitam reducit ad profluentem, vel absumptam hydroticorum usu funditus arefacit, hic apposito medetur ad sanandum Asthma. Verum quoties assequendo huicce proposito sapientissimè diffidentibus bene contigit rationes alias comminisci, quibus Astmaticos à paroxysmorum recursum per sublatam symptomatis causam liberaverint. Tantis

par virtutibus aestimanda Nicotiana, penes virum ejus in administratione tam cautum, quam in Asthmatis specie cui convenit, internoscendâ perspicacem; siye integra tritaque in pulverem naribus excipiat, siye frustulum ipsius contineatur ore, dentibus mandendum, seu fumus hauriatur è fistulis. Folium hoc in Brasiliensi Peruvianâque regionibus Americæ crescens uberius, in Floridâ præstantius, nautis primo tum militibus ac lixis familiare forsan & mendicis, hoc quo vivimus sæculo, viris & mulieribus, aulicis & plebeis, oppidanis & rusticis promptum in manu mercimonium, cujus in gratiam officinæ publicæ quotidie recluduntur, gravia penduntur vœtigalia, cui quisquis assuevit tot caput illecebris, ejus ut ab usu nunquam resiliat aut fere nunquam, sale sulphureque perniciosissimis constat, istorum principiorum altero promente primam singularium nicotianæ virum *εὐλαμίου*, altero ejusdem energias opifice potissimo. Hujus nimirum est, à nativo calore protinus excitati, explicare sese latius, atque adeo salinis quæ junctæ prius quodammodo erant, particulis copiam facere, quò prurumpant, iisdem adminiculum præbere necessarium, quo ferantur in sublime. illius est excussi semel atque à sulphure soluti, subjectas corporis partes fodere acriter, quarum quotquot sensu donantur exquisito, villosarum quibus circum vestiuntur membranarum elatere, contractæ ab importunâ succorum sarcinâ sese feliciter expediunt.

I V.

PONAMUS enimvero quempiam Astmaticum fuisse factum, quoniam fodinis opificinisve metallicis addictus, aut uliginosorum incola locorum, traxerit unâ cum aëre vapores, quorum atrati fuligine spiritus, micare spissitudine distenti, volare pro more suo nequeant ad motrices spirabilium organorum fibras, cūore quem ventilationis inopiâ tunc affligit, crassescente supra modum, actō segniùs atque per moram quam necit intra pulmones, veluti per quoddam sufflamen, aëris reciprocationem inturbaturo. Huic levamen profecto nullum aderit efficacius, quam à Nicotianâ. Fumum è tubulis ducito ille, stimulos illicò percipiet plurimos qui glandulas maxillis appostas ambiunt pervaduntve salivæ canales, quorum ex oscillis post repetitam contractionem funiculorum quibus ejuscemodi glandulæ instruuntur, ingentem stupebit evomi salivæ copiam, donec per successivam hancce vellicationem ad pulmones usque continuatam, viscosâ perfentiat illos expediri pituitâ, desideratam & sanguini & aëris procurari libertatem. Neque minus opportunè factum iri putaveris à Peti usu, dum quis hausto pestilentibus aëre corpusculis rodentibus persperso, salibus gravido fermentescentibus maritimas ad oras, rariori texturâ donato editioribus in locis, Asthmate conflictabitur. Spiritibus enim qui debitâ cruoris crasi contineri solent, hac eadem per irrequitos sales utcumque solutâ, protinus evanidis, portio sanguinis altera planè subsistit, orba nempe motoribus, in serum diffluit altera tota; utraque pulmonibus incommodum importat, onere prior, alluvie posterior, adeoque difficilem reddit anhelitum. Tabaco igitur in nares immisso stimulanda membrana varios convectiens intimosque recessus nasi & osium quibus extruitur, ut primum contrahetur isthæc, constringentur & papillæ glandularum quibus intertexta est, exprimitur ex his mucus, quo quidem expurgato serofos latices motum eundem secutus, è vasis glandularum tum vicinis tum distioribus evocari videas; portionem cruoris in pulmonibus antea stagnantem, novorum accessione spirituum ventilari, fluidiorisque systasos postliminio recreatam revehi ad communes liquorum alveos; redhibitâ demum facilitare spirandi quam vetus Asthma uscepisse videbatur.

Sed & quotquot serum in cerebri sinub⁴ luxurians, ubertimque deponendum in pulmōnes Asthmati facturum est obnoxios præstabilius servat nihil, folio Nicotianæ ore contento dentibusque manso, quod fodiens acrisculè reserantque per vices ostiola vasorum, quæ secundum utriusque partis hujus intercapedinem excurrunt, latices aliò derivat; sic sua cerebro libertas asseritur, & à ruiturorum humorum impetu pulmo præbetur immunis.

V.

VERUM an quo tempore paroxysmus ægrotantem angustius urgebit, aëra-
que novum sollicitius avebit ille, cujus elasticà vi cruor exlex, sub spiri-
tuum auspiciis emendetur, an tempestivus erit Nicotianæ usus? Ita sanè, modo
venæ sectio præmissa fuerit, iteranda quoque pro viri prudentis arbitrio: sic
quippe fiet ut ad vomitum compellatur æger accessionem multò maturius fini-
turum. Cave propterea confidentiùs auscultes monitis aliquorum è veteribus,
apud quos inconsideratissimæ temeritatis habetur vomitorium in tam lubrico
rerum concursu præscribere, arbitratos hoc præsidio nihil quidquam detractum
iri de Asthmatis causâ, quin & materiam impensius à medicamento agitatam
effrænate in pulmōnes ipsos effusum iri, adducendo in præsentissimum præfoca-
tionis discrimen Asthmatico. Quasi vero humor Asthmatis nostri parens, etsi
plerumque cominùs in pulmōnes sese inferat, eminùs tamen è ventriculo, in-
testinis, jecinore in quibus alimenta, lymphæ cruorque depravantur, cerebro
quod sero circumfluit, cò frequentissimè non illabatur. At cuique persuatissimum
est illaudabiles succos per vomitum è ventriculo quidem primum exigi, dein è
reliquis corporis partibus. Quasi vero magis verendum fuerit Asthmatico quam
apoplectico, cui vomitus in ipso symptomatis insultu valido medicamine cietur,
apoplectico, cujus pulmōnibus sero clam è cerebro stillante mox saturis, hoc propius
strangulationis periculum impendet, quod egerendo isti diluvio prorsus impares
eos esse constat, otiantibus & foris & intro, vel fatiscientibus admodum spirabili-
bus ordinis utriusque instrumentis, à prohibitâ vel imminutâ spirituum Epirrhœ.
Quamquam unum hoc idemque remedium altero potis est ægrotantem commode
beare, dum purgationis locum tenens, dejectis per secessum succis degeneribus,
arteriarum sic deplebit venarumque genus omne, vasis ut pulmōnum hoc egestu
per vices exinanitis, Asthmatica multum inde circumcidatur accessio. Sic medicinâ
quæ sit ægro cum paroxysmus ipsum animâ propemodum intercludit, eidem factâ,
perseveranter, ubi fruitur mitioribus intervallis, convalescit ipse, modo seipsium
cautè vivendi normæ, perpetuo, accommodatæ catharsis subinde permiserit.

Ergo Asthmati humido Nicotiana.

Domini Doctores disputaturi.

M. Urbanus Leaulté.

M. Nicolaus Bailly.

M. Bertinus Simon Dieuxiurye.

M. Michaël Pichonnat.

M. Joannes Daval.

*M. Joannes Boudin serenissima
Ducissæ Burgundia Medicus
ordinarius, & Facultatis
Decanus.*

*M. Franciscus Picoté de Bel-
lefre.*

M. Claudius Quiquebœuf.

*M. Guillelmus Petit serenissimi
Delphini primarius Medicus.*

Proponebat Parisiis RAYMUNDUS JACOB FINOT, Parisinus,
Baccalaureus Medicus. A. R. S. H. 1700.